

Panis Evangelici Fragmenta Qvadragesimalia Tripartita

Ex sanctissimo Dei Verbo copiosé & sedulo collecta, Sanctorum Patrum,
variorumque Auctorum sententiis & conceptibus mirificè aucta; Et
Omnibus Quidem Anni Dominicis; præcipuè tamen singulis Quadragesimæ
Dominicis & Feriis per binas ad minus, sæpius denas aut septenas
Conciones fidi Populo ...

**Lingendes, Claude de
Coloniae Agrippinae, 1689**

VIII. Quæ tertia est de ceremonia Cinerum, exponit ritum Sacramenti
mortis: & cur cineres capiti imponantur.

Nutzungsbedingungen

[urn:nbn:de:hbz:466:1-56333](https://nbn-resolving.de/urn:nbn:de:hbz:466:1-56333)



FERIA QUARTA CINERUM,

CONCIO TERTIA, DE CEREMONIA CINERUM.

Memento homo quia cinis es, & in cinerem reverteris.

MUSICA in luctu importuna narratio ,Eccli.22. Et si unquam eloquentia , & sermonis apparatus dedecet , certe in discursu mortis , in quo nihil magis decet quam quod magis est luctuolum ; scissæ vestes , sparsi crines , pallor in vultu , in ore singultus : Ita videmus in summis etiam Principibus lugubres vestes vulgares esse ac pretio carere . Et infania fuit in Antonino Heliogabalo quod de eo notat Lamprid. cum à Sacerdotibus Syris rescivisset se Biothanaton futurum , hoc est moriturum morte violentâ , parasse sibi funes , blattâ , & serico , & coco intortos , quibus si necesse esset tanquam laqueo vitam fineret : item gladios aureos , quibus se occideret , si vis aliqua urgeret : item in Cerauniis , & Hyacinthis , & Smarachdis , venena , quibus se interimeret , si vis gravior imminceret : fecisse & altissimam turrim substratis aureis gemmatisque ante tabulis , ex quâ se præcipitaret , dicente

mortem suam prætiosam esse debere , & ad speciem luxuriæ , ut diceretur nemo sic periisse . Sed hic non tam homo quam hominis portentum fuit . Quare veniam dabitis , Auditores , si quod superest nobis de morte dicendum id sine fupo , & sine apparatu , ac sine ornatu dixero : neque enim animus est vos verbis sed rebus ipsis monere , non vobis ignotis , sed iis quas quotidie videtis . Sed priùs ad Virginem recurramus . *Ave Maria.*

QUANTI Mortis memoriam omnes ferè nationes fecerint ostendit magna cura quam de sepulchris habuerunt . Certe teste Diodoro lib. 3. cap. 5. major apud Ægyptios sepulchrorum quam domorum cura fuit ; apud quos ex eodem lib. 2. c. 5. sepulchra talento taxata sunt : Æthiopibus autem ditionibus , ex auro facta sunt , tenuioribus , ex argento , ut ait Herodotus lib. 3. In Ephestionis monumentum multa talenta insumpsit Alexander : Et apud Romanos tantus luxus fuit , ut teste

M 2 Tul-

Tullio reprimendus fuerit legibus 12. Tabularum : Abraham cum nihil comparasset in terrâ possessionis , agrum tamen sepulturæ non paucis argenteis à filijs Hemor coemendum duxit. Porrò cum diutiū homines viverent , sepulchra fodiebant in montibus & in solitudinibus procul ab urbibus , secundum illud Job. *Qui ædificant sibi solitudines: tum in vijs publicis fieri solita , ut homines quasi ex insidijs adorirentur , & mone- rēt, hoc communissimo Epigramate, mihi heri, tibi hodie.* Postea non in publicis vijs , sed in agro proprio ac prædio fieri cœpere : In agris quisque suis (ait Tullius) sepulchra , & loculos , in quib⁹ cineres suorum conderentur , habuerūt. Id Græci etiam servarunt ut sunt testes Æschines & Aristophanes in concessionan. Hebræos etiam id fecisse monet exemplum Abrahæ , qui sepulturæ causa agrum emit cum speluncā duplīci Genes. 23. Ita Christi sepulchrum excisum erat in horto seu prædio. Ioan. 13. Sed memoria mortis videbatur remotior : Itaque mortui sepulti sunt ad ipsas urbium portas : Ita Trojani ex Daretē Phrygio , Priamum , Hectorem , & Herculem , ante portas civitatis suorū more sepelierunt : Ita passim S. Chrysostomus monet Christianos , ut mortuos in exitu civitatis intueantur : Intimius apud Lacedemonios ; nā in urbib⁹ ut sepelirent , permisit Lycurgus teste Plutarcho : apud Romanos primus omniū Trajanus , in publico foro condi voluit. Æthiopes teste Diodoro lib. 4. c. 1. & Strabone lib. 17. circa Templa sepeliebant : Ægyptij intra penetralia , medicatos , & Persæ cerā circumli- tos , ut diutiū durarent , domi asserva-

runt : testis Herodot. lib. 1. Ex Æthiopibus nonnulli ut ipse refert lib. 3. postquam mortuum arefecerant , totum gy- pso inducebant , picturâque exorna- bant , referente eius imaginem , deinde cippum illi ex vitro circumdabant , in cuius medio mortuus inter lucebat : Hunc cippum propinquai per annum intra ædes habebant , post annum circa urbem deponebant , fœlici & urbis , & virtutis custodiâ , cum mors & cives in- tuis , & hostes extra admoneret : Apud Christianos ferè in Templis , quò sole- mus frequenter convenire , ut sit fre- quens memoria : Ex hoc enim aspectu finis cundorum admonetur hominum , & vi- vens cogitat quid futurum sit : Olim Moſes labrum æneum cum basi sua fecerat de speculis mulierum , quæ excubabant in ostio tabernaculi , ut qui ingredieban- tur , viderent an decenter essent com- positi : Hæc in nostris templis specula , sunt monumenta , & ossa defunctorum , quæ nobis referunt non tantum quod sumus , sed etiam quod futuri sumus : Etenim in domo Iustus , Finis cundorum admonetur hominum . & vivens cogitat quid futurum sit . Verum quoniam passim ho- mines sepulchra prætereunt , ac terunt pedibus monumenta ; ut ipsam mortis memoriam in ipsis quasi oculis ferant , ideo Ecclesia in fronte & in capite ci- neres admovet , ut ipsa capita hominū fiant sepulchra . Galenus meminit qua- rumdam volucrū quas vocat *epitynvi- dias* hoc est sepulchrales , quia *tymbon* , id est , sepulchrum , gerunt in capite : fœ- licies aves si ratione uterentur ! homo fœlix si in capite *tymbon* gerat ! hoc est mortis memoriam , ad quam ipsis ci- neribus capiti admotis impellitur :

Cuius

Cuius ceremoniæ quoniam varias rationes præcedenti Concione deditum, postremam in hanc Concionem servavimus, quæ talis est.

Quoniam caput judicij & rationis sedes est, ideo cineres capiti admoveantur, ut homines intelligant, se nudam suæ mortalitatis cognitionem habere non debere, sed quæ capiti hoc est ratiocinationi adhibetur: omnis autem ratiocinatio in trahendis consequentijs versatur: Cineres itaque locum habent antecedentis, capiti autem impo-nuntur, ut bonæ inde consequentiæ trahantur. Dixi non nudè mortem à nobis considerandam esse, secundum illud Psalmistæ, *Beatus qui intelligit super egenum & pauperem, in die malâ liberabit eum Dominus.* Chrysologus serm. 21. vis est intelligentiæ si rimetur viscera, & deprehendat oculata, si tecta nadet; verum subiecta oculis, exposita in publico, ingesta rebus, non est intelligere, sed videre. Reetè aliqui hunc mundum librum esse dixerunt, omnium oculis expositum, sed sicut in libro omnes elementa cernunt, & litteras, sed aliqui tantum legere possunt, pauciores intelligere: Ita passim homines creaturas vident, sed pauci admodum intelligunt: Solem, cœlos, æqualiter omnes vident oculis corporeis, sed non omnes eodem modo cognoscunt; Chrysostomus ait, Paganum Solem videre, & adorare, Christianum autem opus Dei agnosce-re: Ita omnes mortem vident, pauci intelligunt: Itaque dum in caput cineres jaciuntur admonemur, ne simpliciter, ac nudè mortem spectemus, quasi larvam illam horridam, & exsuccam, sed

ut quæ in morte sunt, & ipsam mortem intelligamus, hoc est non tantum oculis mortem intueamur, sed ut eam iudicio consideremus, ac debitas trahamus consequentiæ.

1. Circa Mortem consideratio, est de cius inevitabilitate, tam quod mori oporteat, quam quod determinato tempore, ubi vides dupliœm inevitabilitatem. Una est quod mori oporteat idque tam certa & communi lege ut nemo excipi possit: non sapiens, non nobilis, non dives, non rex, non sanctus, non summus quisque, non infimus.

1. Probatur ipsa experientia, quia videmus passim homines mori. Ecclesiastes cap. 9. *Nemo est qui semper vivat, & qui huius rei habeat fiduciam:* 1. pars continet experientiam omnium sæculorum: omne enim quod nascitur interit: Maria Salomè ausa est Christum aliquando interrogare utirefert Clem. Alex. lib. 3. strom. Quandiu vigebit Mors? Cui respondit: Quandiu vos mulieres parietis: Et vere dictum; omne enim quod oritur, perit: Itaque Tertull. lib. de Anima cap. 50. loquens de mortis debito: Hoc stipulata est Dei vox, hoc spopondit omne quod nascitur: 2. pars ostendit humanam conditionem, quoniam vita hominum deploratissima est atque illud indicat nomen Enos quod hominem significat à radice Anas quod est desperare, dolere, infirmari, ut nomen Enos sonet hominem perdite & deploratè ægrotantem.

2. Probatur ex lege Mortis, & hominis condænatione *Morte morieris*, Genes. 3. Illa vocis geminatio præter acerb-

M 3 tatem

tatem significat etiam certitudinem : Symmachus vertit. Eris mortalis , ut indicet hominem semper mori.

3 Quia præter causas mortis quæ in nobis sunt, Elementa, humores, temperamentum dissimile ; alteratio à nutrimento, & etiam à causis superioribus oritur. Sapiens *Sicut aves laqueo comprehenduntur, sic capiuntur homines in tempore malo, cùm eis extemplo supervenerit.* In hâc voce Qaicianus agnoscit mortis in evitatem, & superioritatem: Quia quæ super veniunt, sunt inevitabilia , ut sunt sub dio, grando, pulvia radij solis. Iob.cap.20. *Pluet super peccatores laqueos, quis effugiet?*

4. Quia nemo resistere potest Angelo mortis. Ecclesiastes cap.8. *Non est in hominis potestate prohibere spiritum. nec habet potestatē in die mortis:* scio multos per spiritum, hic intelligere animam hominis, quæ in hoc corpore, quasi in carcere includitur, appetit autē exire de hoc ergastulo : cū autē detinetur , vi quādā prohiberi videtur, sed veniet dies quādo ut ait Iob.cap.34. *Spiritum illius & statum ad se trahet: deficiet omnis caro simul, & homo in cinerem revertetur:* & tunc ait Ecc. *non est in hominis potestate prohibere spiritum:* Hoc est uti Hieronymus interpretatur : nihil prodest ora cōcludere, & vitā retinere fugientē : Sed ad propositū nostrū Thaumaturgus, nomine spiritus, inteligit Angelum morti præsentem , quæ prohibere nemo potest; Nemo (inquit) tantis viribus futurus est, ut Angelum animam ipsius extorquentem arcere ac prohibere possit : hoc potestatem infernarum munus esse docet S. Chrysost. homil. 54. in Matth. sub finem. *Quid faciemus cū minaces Angeli, & rēscindē-*

tes animā à corpore, Virtutes, ac Potestates nos invadent? Basil. orat. de Morte quæ est 24. meminit eius qui violēter animas amisera hâc carne separat, & ad fatale iter trahit; secundūm illud *Et animam tuam repetunt à te.* S. Ephrē serm. de Vanitate huius vitæ to. 3. in describendo statu hominis misero : Quando Dominicæ copiæ atque satellites advenerint, quando formidabiles exercitus invaserint, atque apprehenderint, quando divini nuntij, atque cōmissarij animam ex corpore migrasse iussent.

5. Quoniam ipse Deus mortem infligit : quis autem manum eius , atque irā potest defugere ? Pythagoras aiebat sceptrum Iouis ex Cupresso fuisse, ut Iāblicus memoriae prodidit. Quia hæc arbor sepulchralis est, & funeri dedicata: id significat, sumnum Iovis imperium esse in morte, quod nemo declinare potest. Apoc. 1. dicitur Deus habere claves mortis , id est summam potestatem : Ita que Sap. 16. *Tu es Domine qui vitæ & mortis habes potestatem & deducis ad portas mortis.* Ex quibus omnibus patet mortem prorsus inevitabilem esse, ac plane ridiculos illos fuisse, qui hominibus polliciti sunt immortalitatē , uti Menander discipulis suis promittebat , si se prophanis sacris imbui permitterent , quibus uti refert Eusebius lib. 3. Histor. cap. 10. pollicebatur etiam in hâc vitâ athanasian aidion perpetuam immortalitatem: Ita Tribonianus impius Iurisconsultus , verè vocatus à Suida apateon adulator , & impostor , persuadere Iustiniano Imperatori conatus est , cum non moritum , sed cum carne in ~~com~~ assumptumiri:

Melius

Melius Agapetus Diaconus in aureis monitis ad Justinianum, Morti attribuit dentes *pamphagus*, omnivoros, quos omnibus infigit, nihil reverita *axiomaton lamprotitas* dignitatum splendores. Hoc itaque certum habes antecedens. Unicuique mors inevitabilis est. Jam cinerem capiti admove, & ex hoc principio digna trahe conclusionem.

Quo igitur pertinent tot curae, tot labores, tot contentiones, si aliquando mori oportet. Quidam sapiens non nullis exprobrabat, quod sicut nunquam morituri ædificarent: Num tu id praestas hominum inconsultissime? Cum te videam ita rebus affixum, semper inhantem, semper colligentem, te vehementer admiror, cum homini tam pauca sufficient: Sed esto, cupiditatis essingetis, tibi bene esse vis: no hoc satis; vis copiosè: nec id satis; vis affluenter: cupiditati nihil satis, vis effusè, hoc tantum est cupiditati satis: Bene quidem, si semper: sed si aliquando es moriturus, si inevitabiliter, quam stultum est, ibi ædificare, ubi manere non debes: as ibi coligere, ubi uti non debes. Quin potius de æternitate cogitas, de eo quod semper futurus es? itane vis esse exiguo tempore beatus, æternum autem miser? Nihil non agis, ut exiguo tempore sis fœlix: nihil autem curas, quo æternum sis fœlix: Vide quæsumus id prudentiae sit Christianæ: vide iterum num rationem habuerint Apostoli nobs morrem proponere, ut a rebus præsentibus avocarent. Certe nulla est tam in fana cupiditas, quæ hæc cogitatione non conquiescat: Quia ut ait B. Hieronymus Epist. 103. facile

contemnit omnia, qui se semper cogitat moritrum: Hic vestrum omnium conscientias convenio, an si haec semper cogitatio vobis præsens esset, ulla res in terris vos afficeret; nulla planè, inquit: at iterum rogo; num justus sit ex ea cogitatione sensus: justissimus dices: & hinc probatur, quia in omnibus ea cogitatio talem sensum parit; hoc ultimum adhuc liceat petere, num ea cogitatio vera sit: vera planè, quis enim nesciat se moritrum: unde igitur fit ut quod verissimum, & quod justissimum sit, absit à tuâ mente? Tu interim videris: dum ego alteram in morte inevitabilitatem specto; porro illa est quod unicuique à divinâ Providentiâ tempus mortis determinatum sit, ultra quod nemini vivere licet. Non hic ego cum Stoicis aut cum Atheis fatum colloco aut statuo: scio cum Deus liberum hominem crearet, posse in iussu Imperatoris ex hac vitâ quasi ex statione perfidum discedere; scio multis modis fieri, ut in pluribus sicut loquitur Propheta: *Dies pleni non inveneruntur;* scio posse hominem non decurrere spatium vitae quod illi Deus mensus est: Sed dico unicuique homini præfixum esse à Domino terminum, quem nemo hominum possit præterire, secundum illud Job. cap. 5. *Breves dies hominis sunt, numerus mensum eius apud te est, constituiti terminos eius, qui præterici non poterunt: hos terminos, legem & statutum, vocat Apostolus, Statutum est hominibus semel mori:* Semel dixit, hoc est irrevocabiliter, & firmiter, & constanter. Semel enim loquitur Deus, & iterato non habet opus loqui: Ita Act. 17. fecit

fecitque ex uno omne genus hominum inhabitat super universam faciem terrae , definitus statuta tempora , & terminos habitationis eorum: Ita Eccles. 14. vocatur Testamentum : Memor eslo quoniam Mors non tardat, & testamentum inferorum , quod demonstratum est tibi: In eundem sensum David, Mensurabiles posuisti dies meos. Altera Versio. Pugillares; ut scias paucos esse, & finitos, quoniam intra pugillum, sed Dei, qui mensuram definit, continentur: ubi vides Deum in manu sua , hoc est in sua potestate dies nostros habere: unde, ubi habes in Psal. 89. Dextiram tuam sic notam fac : vertit Aquila & Symmachus ut docet Hieronymus in epistolâ ad Cyprianum, dies nostros sic ostende. Hic mihi præcipiuus occurrit sensus Prophetæ qui sane communissimus esse solet Psal. 38. Locutus sum in lingua meâ. Notum fac mibi Domine finem meum , & numerum dierum meorum , quis est, ut sciam quid desit mibi: Attende altum prophetæ sensum: non curiose appetit sciare numerum dierum suorum, uti impie multi exquirunt , cum Deus solus intelligat , nam numerus mensium eius apud te est, sed interiori sensu postulat, cum vitæ termini sint definiti, idemque sint meritorum termini, ut intelligat quid sibi desit, aut ad virtutem, aut ad meritum aut ad satisfactionem, quod tamè fecisse oporteat intra vitæ terminum : Nam, ut ait Ecclesiastes cap. 9. Viventes sciunt se esse morituros , mortui vero nihil noverunt amplius, nec habent ultra mercedem, quia oblitio tradita est memoria eorum : quod S. Hieronymus sic interpretatur: Mortui nihil valent ad id adiicere , quod semel secum tulerunt de vita : Igitur te

rogo, mi Auditor, cùm numerus mensium tuorum non sit apud te, sed apud Deum, ac nescias quid tibi vitæ superstite: cogita serio quid hactenus feceris, quæ sint merita tua , quæ satisfactio? An hoc tantum facere vis pro Deo ? sic morieris cum ea egestate, & paupertate? Hoc tantum æternitati parasti ? Job. 10. Nunquid non paucitas dierum meorum finietur brevi ? Dimitte ergo me ut plangamus paululum dolorem meum, antequam vadam, & non revertar, ad terram tenebrosam , & opertam mortis caligine: Joan. 10. Venit nocte quando nemo potest operari.

2. Circa Mortem consideratio , est de eius ignoratione, & huic conjuncto inopinato adventu. Nam licet nihil certius sit Morte , nihil tamen magis incertum, atque ignotum quam Mors, ratione temporis, loci, modi, status animæ, & qualitatis , bonæ , an malæ; quietæ, an turbitæ ; naturalis , an violentæ ; an in gratiâ , an in peccato ; an cum usu rationis, an sine illo; juxta dictum Sapientis Ecc. 9. Nescit homo finem suum, sed sicut pisces capiuntur homo , & sicut aves laqueo comprehenduntur , sic capiuntur homines in tempore malo , cum eis exempli supervenerit : Vivimus in hac vitâ tanquam rei in carcere, qui semper expectant, ut à judicibus ad sententiam, atque inde ad supplicium vocentur, secundum illud Jobi , Cunctis diebus quibus milito super terram , expedo donec veriat immutatio mea: Et infra: Vocabis me, & ego respondebo tibi: Hoc autem ideo factum est ut semper timeremus ; & ut ait Augustinus homil. 13. & 50: ideo latet ultimus dies , ut observentur omnes dies. Hic cineres capitii admove , hoc est justam

justam elice conclusionem : quæ talis est ; Quoniam mira est mortis ignoratio, illa semper in memoriam tenenda est; exemplo plurimorum sapientum: Philippus Macedo , cùm Athenienses debellasset in Cheronæ, jussit sibi quotidie prodeunti dici à servulo , Homo es Philippe : Idē sensus Severi Romanorum Imperatoris , qui cùm in bellis, & in ambitione senuisset , moriturus urbanum ad se afferri iussit , in quā cineres ipsius, uti tunc moris erat , recondendi erant , quam diu contrectas & contemplans exclamavit. Tu virum capies , quem orbis terræ non cepit : Joannes cognomento Eleemosynarius Patriarcha Alexandrinus initio sui Pontificatus sepulchrum suum inchoari voluit , non perfici , ac sibi quotidie , vel ut alij volunt solemnioribus diebus, cùm prodiret , sibi proclaimari jussit , Domine sepulchrum tuum cœptum est jampridè , sed nondum perfectum , tu ergo illud perfice jube , nescis enim quā horā surventurus es: Maximilianus primus potentissimus & bellicosissimus Imperator , biennio , aut ut alij volunt triennio ante mortem , loculum funebrem è querneo ligno , arcæ viatoriæ inclusū , deferri secum jussit , ut semper mortis meminisset. Hoc Avi exemplum secutus est Carolus V. de quo fertur quinquennium ante mortem secum semper deportari jussisse sarcophagum cum suppellectile funebri, sed occulte , ac singulis noctibus diligentissime reponi iussisse; qui illi aderant , pars thesaurum credebant , alij selectos libros , alij ad usum Cæfaris aliquid singulare : Ille verò ridendo dicere solebat ; In rei ali-

cuius sibi charissimè usum id secum deferrì : Eius filius Philippus II. multo ante mortem tempore , defuncti cranium inter abacum habuit , nè mortis unquam memoriam careret : contra quā passim homines facere solent , qui Mortis memoriam quantâ possunt diligentiā à se abjiciunt pessimo consilio: Sic itaque conclude. Cùm se res sic habeat . Hoccine est prudentia Christiana eo in statu vivere , in quo mori nō vis? quia enim diem nescis , vide quę sit securitas , vel unum diem imparatum vivere ? Et tamen quā multis diebus vixisti in peccato ? Si vocatus fuisses quid de te actum fuisset ? At inquires captus non sum: Ita se res habet , sed capi potuisti: Id si fuisses , quo nunc statu es? Sed inquires , non capiar? unde id nosti ? Quia (inquis) nullus est dies certus mortis. ô imprudens ! nullus tibi certus , sed aliquis Deo certus est , & cùm ille venerit , capieris: ad hæc , quia nullus tibi certus est , ideo omnis tibi incertus , & suspectus esse debet: Sed (inquires) quoniam incertus est non capiar fortasse; Sed fortasse capieris: Potes non capi , sed quia etiam potes capi , nescio an judicio valeas , qui in re tanti momenti te exponas : In rebus humanis adeò prudens es , adeò sapiēs , in istis autem quæ tanti sunt , quare vivis tam imprudens ? Sed quoniam homines in illa incertitudine se tutos putant , propterea addidi ignorationi mortis inopinatum adventum : quā re nihil frequentius habemus in Evangelio: Attendite ne superveniat in vos repentina dies illa : Vigilate itaque quia nescitis diem neque horam : Quā sæpè minatur se-

venturum instar furis : 2. Petri 3. Adveniet dies Domini ut fur : Et paulus 1. ad Thessal. 5. Ipsi diligenter seitis , quod dies Domini , sicut fur in node ita veniet : Itaque Pascasius Abbas Corbeiensis lib. 11. in Matth. dies ultima , languenti animæ fur est , & latro : Ita Christus comparat mortem furi de nocte venienti : Item Domino revertenti & servos deprehendenti: Item spōso de repēte venienti: Item accipi , & laqueum iacenti , denique primo advētui in diebus Noë: & tam multas congerit parabolas ut hoc tantūm persuadeat , quā horā non putatis filius hominis veniet: In quam rem te sic premo: Christus hoc discipulis & omnib⁹ denutiat , se vitæ securos deprehensurum , ac repēte imparatos occupaturum : tu verò securus vivis , ac de morte non cogitas , igitur deprehendēris , idque de fide tibi certum esse debet , deprehendēris : ô stultam hominū imprudentiam! sic admonitos ita vivere sine cura: sine fēsu! Id verò satis patet experīētiā , quotidie enim homines nec opinatō occupātur: Revoca in memoriam tuorū , vel consanguineorū , vel cognatorum amicorū mortē: Nec tanē quisquā vel proximorū , vel suorū exemplo , vel Christi tam iteratā admonitione fit sapiens: Quid igitur inde concludas nisi quod dicitur Marci. 13. Vigilate ergo ne cum venerit repēte , inventiat vos dormientes : Quod autem vobis dico , omnibus dico , vigilate : Hoc autem quid est , nisi ut quotidie paratus vivas: Conde testamentum ; si quid habes restitendum restitue , si nondum potes , scribe , ut si occuperis , id faciant hæredes : si peccasti mortaliter , Sol non occidat non tantūm super iracundiam , sed nec

suprà quodlibet peccatum: cavenē inimicitias conserves , sed statim reconciliare fratri tuo : Quod autem vobis dico , omnibus dico , vigilate : Etenim si repēte interroget , quis respondebit ei ? Quid enim deprehensus , de vitâ tuâ , de statu tuo , Deo iudici atque interroganti poteris respondere? Dictum Benylræ; dies brevis & opus multum.

3. Circa mortem consideratio , est de statu in quo mors hominem ponit : cùm hominem dico , corpus & animam intelligo , nam cætera bona externa sunt , nec sunt in homine , quamquam paulatim ipsa te deserant , opes , voluptates , consanguinei , amici: cùm enim bona sint huius vitæ , illā præteritā tua esse desinunt , & ad alios transeunt , sicut milites perfidi , qui ad hostes deficiunt , in quo vides magnam rerum vanitatem , & inconstantiam : Sed de hominē mihi est sermo , hoc est decorpore , & de anima : Quoad corpus attinet , mitto dicere quæ mortem præcedunt , morbi scilicet dolores , & quædam ante mortem mors : Etenim in corpore hæc bona creduntur præcipua , sanitas , robur , pulchritudo , usus ipsius ad actiones naturales , animales , civiles , rationales , quæ omnia illo tempore concident : etenim mortem gravissimi morbi & dolores acerbissimi solēt præcedere , unde extincio sanitatis , virium , pulchritudinis & usus corporis: vide quod toties tibi dictū est , hominem florem esse , sœnum , & florem sœni , umbram , spectrum , & nihilum , unde de hominibus Theophilus ad Autolicum sárkenoi , udèn éontez , carnei , & nihil homines : sed illis missis quæ mortem præcedunt , in corpore mortuo triplex status spectari potest

Potest. Primus est statim ab animæ discessu , quo tempore tanta repente fit mutatio ut videatur esse quædam oculorum illusio Psalm. 72. *Veluti somnium surgentium Domine in civitate tuâ imaginem ipsorum ad nihilum rediges.* Cogita enim quid ante fuerit, & quid nunc sit : *versa est in ludū cithara mea, & organum meum in vocem silentium:* Cogita hyemem quâ omnia vastantur , frondes , flores, fruges, omnis hortorum , camporum, agrorum, fluminum amœnitas, dices aliam esse naturam: vide coopertos nive montes , flumina glacie alligata , dies convertos in noctem : cogita noctem obscuram, & tenebrosam , quâ non Sol modo sed astra omnia disparent : sed peior est status cadaveris : vidisti aliquando urbem, aut provinciam ab hostibus direptam, moenia disjecta , eruta fundamenta; hîc passim , atque illîc jacere rudera , vias impeditas, convulsas terras, nullo ordine sparsa saxa , ligna, tecta : imaginem habes corporis mortui: vide intena, vide exterra , omnis illa harmonia , ònis species, omnis color, omnis motus , omnis actio , omnis usus periit, non oculi vident , non aures audiunt, non movent se manus, neque pedes , non lingua loquitur non cor palpitat, nullum discriminè à saxe aut buxeo figurâ , nisi quod cadaver deformius est, atque horribilius:

2. Status, est prima putrefactio de quâ job loquitur. *Putredini dixi pater meus es.* Mater mea, & soror mea vermis. Item habitent in tabernaculo ipsius socij eius qui nō est: Isaïæ. 14. Detraha est ad inferos superbia tua , concidit cadaver tuum, subter te sternetur tinea , & operimentum tuum erunt vermes: Quis exhibeat fatigantem paula-

tim fabricam corporis , liquatam in sordidum liquorem, & tabem, carnem, educto calore , livelcentem primum tumfœdo flore sparsam, tum fluentem, tum vermis innumeris scaturientem, & in fœtidum vaporem abeuntem? parco auribus vestris , parco oculis, parco naribus, pudet naturæ nostræ verecundiam , atque dedecus aperire: recteque iam suprà diximus ex Nyffeno sepulchra esse naturæ nostræ mysteria, atque Sacramenta , quasi ea revelare pudeat, ac sit nevas: Hoc tantum nihil ferè esse in naturâ fœdus , nihil horribilius , quâm humani cadaveris putrefactio nem. Quid dicam sâpe illo odore infectas fuisse urbes , Provincias peste fœdatas, totumque aërem? Hoc statu si mulierem spectet , quis non obstupescat, quis non horreat, quis non abominetur ? hic finis pulchritudinis , hic amorum exitus , hoc libidinis cœnum. Pudeat homines ob rem adeò abominandam , pulchritudinem æternam despicer ! Pudeat mulieres Christianas corpus tantæ fœditati reservatam sic ornare, sic amare, sic colere, sic nutrire! Quâm vos prudentiores qui rem ita vilem negligitis, qui corpori non paratis, qui vexatis!

3. Status, est ultima putrefactio, reductio in pulverem , atque cinerem , quæ in quibusdam tardius, in aliis celerius , fit sed quam nemo effugiet, ac licet ea putrefactio minus habeat horro ris , quâm prior : maior tamen est corruptio, quoniam maior esse non potest, nec in peiorum statum reductio : ecce quo redigetur humana omnis magnitudo. Tâ parvus cinis Herculeus est: huc ille decrevit gigas : hic tumulus illi est

*Ecce vix totam Hercules complevit
urnā:lob.13. Memoria vestra cōparabitur
cineri, & redigētur in lutum cervices vestræ.*

Iam cineres capiti admove & debitam trahe consequentiam , & ex composito antecedente, quid iustius inferre potes ; quām quā ratione corpus tuum tractare debeas. Hinc oritur generosa corporis mortificatio , & carnis contemptus : pudeat homines vesanos , sic in corpora exardescere, pudeat tantum dedecus sic prosequi, pudeat carnalem hominem sic in cōeno & carne volutari : hinc originem habeat propudium, atque dedecus libidinis , quām non alio nomine vocare potes , quām furem , quam rabiem , quam insaniam : quām multos habes tuę libidinis accusatores , quām multas condemnationes ? Quid sic ardes , quid sic vreris , quid inflamaris? Quidam mulierem cōcupierat, demortuę carnis partem absedit, quoties ardebat libido , toties putredinem naribus adhibebat , & eorum exemplo, qui morsui Scorpionis, ipso Scorpione medentur , ipsa carne, carnis putulantiam repressit ..

Iam sicut incorpore mirabilem mutationem mors efficit ita etiam in animā. In qua tria considerare possumus: Intellectum Voluntatem, Passiones, nā licet passiones proprię dictæ , sunt in corpore , quoad corporalem immutationem , tamen quoad principium actionum, sunt in animā, & in illā sunt a& respondentes actibus, & mutationibus passionum ..

Primò itaque ratione intellectus, fit ingens mutatio ipsius in morte. In primis in eius obtenebratione significatā per cinerem, tūm quoad lumina super-

naturalia , tūm quoad naturalia , perturbatā imaginatione , arescentibus spiritibus , & speciebus abeuntibus: Deinde in qualitate cogitationum , quas non nisi horrendas habebit , de suo corpore, de vitā præteritā, de statu præsente, de imminentे exitu , de dæmonibus , de Deo irato. Id expressum ab Ecclesiaste, cap.8. *Nec finitur quiescere ingrumento bello: An hoc bellum intentat Deus induitus loricā iustitiae , atque universa iudicali panopliā circumdatuſ , armans creaturas ad ultionem iniamicorum: an est mors ipsa , cui non eleganter tributur persona Regis & Tyranni , uti significatur lob.18. Calcat super eum, quasi Rex interitus: an denique diabolus cuius invidiā mors in hominē dominatur: hic autem hostis hominum infensissimus sub extremum vitæ maximè oppugnat, quem etiam Hugo ait ex S. Bernardo & Martino , morientibus assistere in formā visibili: de qua re severè , & graviter Ephrem to.3. sermone in eos qui in Christo obdormierunt. ubi de hominis moribundi statu sic loquitur. Repente constringitur lingua, immutantur oculi, cōcutitur mens, quādo Dominicæ copiæ, atq; satellites advenerint , atq; apprehenderint, &c. Et post pauca. Ecce verè exercitus celestes, ecce potestates æternæ, ecce figure formidabiles, illi⁹ qui solus tremendus est: ecce ministri fortis illi⁹, qui sol⁹ fortis est: ecce fortis Dei fortis : ecce forme terribiles, atq; horredæ : ista tunc, qui abripitur, solus videt, nos verò nō intuetur amplius, sed ad præsentes potestates stupefactus extra se rapitur. Quod autem non sinatur quiescere moribundus in eo prælio , idem ibid.*

paulo

pauto pōst praeclarē exponit. Non vi-des apud fratres morientes , animam-que agentes, quibus assidemus , quam terribilia tunc eis accidere cernantur? quo pacto corripiantur , quo pacto per-turbentur , & quo pacto suspirantur? Non aspicis eo sudoribus frigidos , & sudore plenos instar messoru in agro: Quomodo oculos huc illucque reto-queant? quomodo alij dentibus stride-ant? quomodo obstupefant , & expa-vescant, tumultuarieque agant? Et quo pacto multi etiam capillos suos evel-lant? quo pacto ex lecto exiliant fuge-re volentes, licet nequeant ; videntque ea quæ nunquam prius viderunt, & au-diunt à potestatibus quæ nunquam anteā audierunt, & patiuntur quæ nun-quam alias passi sunt , quærentes qui eos redimat , & nemo est qui liberet: requirentes socios , & nemo adest qui comitetur, requirentes advocatos& pa-tronus, & nemo, qui adsit. Quos alpi-cientes tunc contremiscimus , & plan-gimus, tenentesque eorum manus , sa-lutamus , atque complectimur, lacry-mis irrigantes, sudorem vultus deter-gimus , & oculos eorum & sicciam lin-guam aestuantem aquâ madefacimus, atque refrigeramus: aurem nostram ori eorum admovemus , ut tenues saltem atque subtileis ipsorum voces exaudi-amus: Alia plura omitto de re cādem. Deniq; tunc in intellectu longè diver-sum est judicium quod induit de suis rebus , de bonis externis , de omnibus creatis, de ipsâ æternitate , quācum cūm esset in corpore. Quācūd vana esse depre-hendit, & nullius momenti , quæ tanti ducebat, famam, honorem , pulchritu-dinem, voluptatem, delicias: Quantu ea

ducet quæ negligebat : Quācūd aliter de Deo sentiet. Nabuchodonosor turbatā quondam imaginatione, cūm se bovem putaret, herbas comedebat, & ut loqui-tur Scriptura: Fœnum sicut bos comedes, & cum feris habitatio tua. Sed sibi redditus suum illud factum exhorruit: Quibus per præstigias oculi fascinātur, inume-ra se putant videre , ubi sublatum fas-cinum , omnia alia vident: fuerunt qui crederent se in mensa sedere, atque apparatis epulas consummere , qui postea deprehenderunt se fuisse dece-ptos. Eodem modo cūm anima in cor-pore manet, fictio decipit ipsam, ut ait Sapiens capite 6. Fascinatio enim nūgaci-tatis obscurat bona , & inconstantia concupi-scentiae transvertit sensum sine malitia. Sed sublatu corporu , cūm anima res uti in se sunt, intuetur, tum obstupecit se fuisse deceptam.

Secundo , quoad voluntatem tanta fit in ea mutatio , ut mutetur in rerum omnium odium , atque aversionem; nam in cā exutā corpore , ubi illa pe-riit titillatio , evanescit rerum crea-tarum amor , & eius loco remanet natu-rale pontus, atque inclinatio vehemē-tissima , atque incitatissima in Deum, ut in suum finem, quæ sublatu corporis im-pedimento , tantā vi eam rapit , ut retineri non possit , quin sese fini illi uniat , sine vehementi quadam obsi-stentia ; & proinde afflictione , & gra-vissimā molestiā , in qua de facto in-currit, quando ob mortalis vitę imper-fectiones ab illa unione impeditur. Quòd si illa impedimenta æterna esse senferit , vehementissimo sese dolore torquet, & miserum in modum discriu-erat: ubi illa vota , ubi desideria , ubi

FERIA QUARTA CINERUM,

101

teneri illi amores, oscula, complexus, gaudia, cōplacentiæ, risus? hæc omnia præterierunt: non nisi tristitia, mœror, timor, acerbitas, odium, ira, furor, desperatio. Redeunt omnes voluntates quas habuit, liberæ & non liberæ, inter quas quot sunt contrariæ, à quibus in varia discerpitur? quām multæ indecentes, & indignæ? atque illæ ipsam afflidunt: quām multæ inutiles & vanæ? & illæ contristant, solumque mœrem relinquunt? quām multæ sunt obscenæ? & illæ nonisi pudore afficiunt: quām multæ crudeles? & illæ amaritudine replent: quām multæ sunt injustæ? & illæ condemnant: quām multæ contra Deum? & illæ disturbant, atque disiunt. Jam illæ quæ ad præsentē statum attinent, se offerunt, & illæ mirabiliter eam exagitant, eò usque ut soli suppicio se destinet.

Tertio ac ultimò, quoad passiones attinet, quemadmodum tempore tempestatis nonnisi adversi venti flant, & fluctus excitantur, ac mare irritatur; ita tunc gravissimè oriuntur passiones. Rem apprimè Dorotheus exponit in doctr. 12. ac repetit ex Evagrio, ubi docet, in variis vitæ occupationibus animam à suis passionibus avocari, atque abstrahi, dum comedit, dum ambulat, dum agit cum amicis, dum varia

intuetur ac percipit: sed cùm in morte sensus erunt sopiti, ac secum anima habitare cogetur sola cum suis passionibus; tūm demum earum violentiam sentiet, ita ut disturbata atque incensa ab earum molestia, deductaque & dispersa per varia, non possit Dei meminisse: hic aliquando cupiditatem sensisti, quanta tunc erit? sensisti aculeos doloris, tunc scies quid sit dolor, & desperatio: iram ignorasti, usque ad illud tempus, & animi impatientiam. Quid dicam de timore, qui gravior erit quolibet formento? Denique tunc omnes passiones insurgent, quando lucerna impiorum extinguetur?

Hic cineres admove capiti, & digna hoc toto discursu elice conclusionem: nempe ut quoniam ad hæc omnia ingentes & giganteæ vires requiruntur, videas num illæ tibi adsint ad hæc omnia ferenda. Certè si sola harum rerum cogitatio te terret, quanto magis præsentia, & ipsa experientia? Quid agimus, Auditores, quid in nugis huius vitæ immorarum, nec ad ista nos præparamus? Hæc omnia unumquemque manent, nemo liber: nemo eximitur:

Verè beatus qui semper hanc horam ante oculos habet, verè miser qui non habet, &c.

FERIA